

四庫全書

子部

欽定四庫全書

子部

廣博物志卷十七

詳校官侍讀學士

臣沈咸熙

主事

臣祁韻士覆勘

總校官知縣

臣

楊懋珩

校對官中書

臣

石鴻翥

謄錄監生

臣

沈錫爵

欽定四庫全書

廣博物志卷十七

明 董斯張 撰

職官下 刺史 郡縣

李壽長為青州刺史其所經歷他州縣察視牧守治政
優劣上言曰夫東家有犬不忍見西家之有鼠臣之所
見敢不以聞

後漢書

李珣為兗州刺史所種小麥胡蒜悉付從事無所留清

約率下席羊皮服布被

東觀漢記

百里嵩時為徐州刺史境旱行部傳車所經甘雨即降

謂刺史雨

後漢書

王閔遷冀州刺史閔性刻不發私書不交豪族賓客號

曰王獨坐

巴祗為揚州刺史與客坐闇冥之中不燃官燭

並上

裴潛為兖州刺史每之官不將妻子妻子貧乏織荆苧

以自供家人小大咸并食而食

魏略

陳泰字伯玄為并州刺史懷柔民夷甚有威惠京邑貴人多寄寶貨因泰市奴婢泰皆挂之於壁不發其封及徵為尚書悉付還之

魏志

交州刺史朱符多以鄉人虞褒劉彥之徒分作長吏侵虐百姓彊賦於民黃魚一枚收稻一斛百姓怨叛山賊並出攻州突縣

吳志

吳孫皓時以滕修為廣州刺史未至州有五僊人騎五色羊負五穀來迎而去今州廳事梁上畫五僊人騎五

色羊為瑞

郡國志

杜預為荊州人號為杜父舊水道唯沿漢達江陵千數
百里預乃開陽口起夏水導洪洞達巴陵徑近千里南
土美而謠曰後世無叛由杜翁孰識知名與勇功及卒
州人諱其名改戶曹為辭曹

晉書

劉卞字叔龍本兵家子質直少言少為縣小吏功曹夜
醉如廁使卞執燭不從功曹銜之以他事補亭子有祖
秀才者於亭中與刺史箋久不成卞教之數言卓犖有

大致秀才謂縣令曰下公府掾之精者云何以爲亭子
令即召爲門下吏後爲輕車將軍雍州刺史

晉書

祖逖爲豫州刺史躬自儉約督課農桑克已務施不畜
資產又收葬枯骨爲之祭醊百姓感悅嘗置酒大會耆
老中坐流涕曰吾等老矣更得父母死將何恨乃歌曰
幸哉遺黎免俘虜三辰既朗遇慈父玄酒忘勞甘瓠脯
何以詠思歌且舞

荀晞字道將領兖州牧暴虐殺人流血號曰屠伯其弟

純領青州刑殺尤甚於晞號小苟慘於大苟也

並上

羊暨為青州刺史暨牛產犢及遷以官舍所生遺之而

去

曹嘉之
晉紀

晉陵韋朗家在延陵元嘉初忽見庭前井中有一人出
高長尺許被帶組甲麾伍相應相隨出門良久乃盡朗
兄數頗善占筮常云吾子弟當至刺史朗後領青廣二

州

異苑

蕭憺為荊州刺史惠及百姓徵還朝人歌曰始興王人

之爹赴人急如水火何時來哺乳我

爹徒我反荆土方
言謂父為爹 南

史

劉秀之為丹陽尹初秀之從叔穆之為丹陽與子弟宴
集廳事柱有一穿穆之謂子弟曰汝等各以栗遙擲入
穿者後必得此郡唯秀之栗獨入焉

宋書

廬陵王子卿為南豫州刺史帝稱其小名謂司徒竟陵
王子良曰烏熊癡如熊不得天下第一人為行事無以
壓一州既而曰吾思得人矣乃使陸慧曉為長史行事

別帝問曰卿何以輔持廬陵答曰靜以修身儉以養性
靜則人不擾儉則人不煩上大悅

南史

蕭明字靖通少被武帝親愛封貞陽侯太清元年為豫
州刺史百姓詣闕拜表言其德政樹碑於州門內及碑
匠採石出自肥陵明乃廣營廚帳多名人物躬自率領
牽至州識者笑之曰王自立碑非州人也

宋氏晚運典籤之權重宗慤為豫州典籤每多違執慤
大怒曰慤年六十得一州如斗大不能復與典籤共臨

之並
上

臨川王映為雍州刺史嘗還都買物有獻計者於江陵賈貨至都迴艘可得微有所增映笑曰我是賈客耶乃

復求利

齊書

王崐為廣州刺史南土沃實在任者常致巨富世謂廣州刺史但經城門一過便得三千萬也崐無所取納表獻祿俸之半及罷任孝武知其清問還資多少崐曰臣買宅百三十萬餘物稱之帝悅其對上

安成康王秀都督雍梁南北秦四州諸軍事雍州刺史有疾百姓商賈咸為請命既薨四州裂為白帽送之

梁書

夏侯詳遷湘州刺史詳善吏事在州四載為百姓所稱州城南臨水有峻峰舊傳云刺史登此山輒代是山歷政莫敢到詳於其臺榭延僚屬以表損抑之志

上

薛聰為齊州刺史卒於州吏人追思留所坐榻以為遺

愛

後魏書

崔暹字元欽為瀛州刺史貪暴安忍民庶患之嘗出獵

州北單騎至於民村井有汲水婦人遲令飲馬因問曰
崔瀛州何如婦人不知其遲也答曰百姓何罪得如此
癩兒刺史遲乃默然而去

奚康生為相州刺史在州以天旱令人鞭石虎畫像復
就西門豹祠祈雨不獲令吏取豹舌未幾二兒暴喪身
亦遇疾巫以為虎豹之祟

王襲為并州刺史州人為立銘稱美或曰襲所教也尚
書奏免官

夏侯夔為豫州刺史於蒼陵立堰溉田千餘頃境內賴之夔兄亶先居此任兄弟並有恩惠百姓歌之曰我之有州賴彼夏侯前兄後弟布政優優

鄭述祖天保中為兗州刺史父道昭亦嘗為此州並有政績百姓歌之曰大鄭公小鄭公相去五十載風教猶尚同

河間王琛字曇寶世宗時拜定州刺史憑恃內外多所受納貪恠之極及還朝靈太后詔曰琛在定州惟不將

中山宮來自餘無所不致何可更復敘用由是遂棄廢於家

元誕為齊州刺史在州貪暴有沙門為誕採藥還誕曰師從外來有何得對曰唯聞王貪願王早代誕曰齊州七萬家吾每家未得三升錢何得言貪

崔挺拜光州刺史州舊掖城西北數里有斧山峰嶺高峻北臨滄海南望岱嶽挺於頂上欲營觀宇故老曰此嶺上秋夏之際常有暴雨相傳云是龍道恐此觀不可

久立挺曰人龍相去何遠之有虬龍儵忽豈一路乎遂營之數年間果無風雨之異挺代即為風雨所毀遂莫能立衆以為善化所感

陸馥侯長子也多智有父風高祖見而悅之謂朝臣曰吾嘗歎其父智過其軀是復踰於父矣為相州刺史假長廣公為政清平州中有德宿老以友禮待之詢之政事如此者十人號曰十善於是發姦擿伏事無不驗封回為度支尚書鄭雲誦事劉騰賂紫襪四百疋得安

州刺史除書旦出晚詣回問安州興生何事為便回曰
卿位為方伯宜思方略以濟百姓如何見造問興生乎
封回不為商賈何以相示雲大慚去

並上

張華原字滿國為兗州刺史獄有繫囚謂曰三元之始
念卿幽閉今給假五日足得展謁親親期盡還也果應
期而至

北齊書

尉景為冀州刺史大納賄神武令優人石董桶戲之董
桶刺景衣曰公刺百姓董桶何為不刺公

任城王諧為并州刺史時有婦人臨汾川浣衣有乘馬人換其新靴驅而去者婦人持故靴詣州言之諧召居城諸嫗以靴示之給曰有乘馬人於路被賊劫害遺此靴焉得無親屬乎一嫗撫膺哭曰兒昨著此靴向妻家如其語捕獲之時稱明察

申徽為襄州刺史時南方初附舊俗官人皆通餉遺微性廉慎乃畫楊震像於寢室以自戒及代還送者數十里不絕微自以無德於人慨然懷愧因賦詩題於清水

亭長幼聞之皆競來讀遞相謂曰此是申使君手迹並

寫誦之

並上

長孫儉為荊州刺史吏民請為儉建清德樓立碑頌德

詔許之

後周書

豆盧勣周武帝時為渭州刺史有惠政華夷悅服大致祥瑞鳥鼠山俗呼為高武隴其山絕壁千尋由來乏水諸羌苦之勣馬足所踐忽飛泉湧出有白鳥翔止廳前乳子而後去民為之謠曰我有丹陽山出玉漿濟我人

夷神烏來翔後因號其泉曰玉漿泉

上

張威在青州頗治產業遣家奴於民間鬻蘿菔根其奴緣此侵擾百姓上深加譴責坐廢於家

隋書 以下郎縣 以

晉文公問於舅犯曰誰可使為西河守者舅犯對曰虞子羔可也公曰非汝之讐也對曰君問可為守者非問臣之讐也羔見舅犯而謝之曰幸赦臣之過薦之於君得為西河守舅犯曰薦子者公也怨子者私也吾不以私事害公義子其去矣顧吾射子也

新序 韓非子解 孫邢伯都事與此

相似不
重錄

董闕子為趙上地守行石邑山中澗深峭如牆深百仞
因問其左右曰人嘗有入此者乎對曰無有曰嬰兒癡
聾狂悖之人嘗有入此者乎對曰無有牛馬犬彘嘗有
入此者乎對曰無有董闕子喟然太息曰吾能治矣使
吾治之無赦猶入澗之必死也則人莫之敢犯也

韓子

董安于治晉陽問政於蹇老蹇老曰忠信敢安于曰安
忠乎曰忠于主安信乎曰信於令安敢乎曰敢於不善

人安于曰守此三者足矣

上

朱買臣為會稽太守懷章綬還至舍亭而國人未知也所知錢勃見其暴露乃勞之曰得無罷乎遺與紈扇買

臣至郡引為上客

西京雜記

淮陽偽鑄錢吏不能禁汲黯為太守不壞一壚不刑一

人而淮陽政清

論衡

漢宣城郡守封邵一旦化為虎食郡民呼之曰封使君因去不復來故時語曰無作封使君生來治民死食民

述異記

羊續為南陽太守府丞嘗獻生魚續受而懸於庭丞後又進之續乃出所懸者以杜其意

後漢書 又云臥一副布絢敗糊紙補之

張霸為會稽太守舉賢士勸教講授一郡慕化但聞誦聲時賊未解郡界不寧乃移書開購明用信賞賊遂束手歸附不煩士卒之力童謠歌曰城上烏鳴哺父母府中諸吏皆孝友又曰棄我戟捐我矛盜賊盡吏皆休和帝時蒼梧太守以清白為治郡頌之曰於惟蒼梧交

趾之域大漢惟宗遠以仁德

陳臨字子然為蒼梧太守有遺腹子報父怨捕繫獄傷其無子令其妻入獄遂產一男人歌曰蒼梧陳君恩廣大令死罪囚有後代德叅古賢天報施其後子孫繁庶並登榮要果符所祝

並上

桓帝時李盛仲和為郡守貪財重賦國人刺之曰狗吠何諠諠有吏來在門披衣出門應府記欲得錢語窮乞請期吏怒反見尤旋步顧家中家中無可與思往從鄰

貸鄰人以言遺錢錢何難得令我獨憔悴

華陽國志

蜀郡太守潁川劉勝季陵去官在家閉門却掃歲時致敬郡縣答問而已無所褒貶雖自枝葉莫為力太僕杜密周甫亦去北海相在家每至郡縣多所陳說牋記託屬太守王昱頗厭苦之語次聞得京師書公卿舉故大臣劉季陵高士也當急見徵密知以見激因曰明府以九重之內臣吏惶畏天威莫敢盡情劉勝位故大夫見禮上賓俯伏甚於鼃蝟冷澁比如寒蛭無能往來此罪人

也清雋就義隱居篤學時所不綜而密達之寃疑勲賢
成陳之罪所折而密啓之明府賞賢得中令聞休揚雖
自天然之姿猶有萬分之一是甚悅服待之彌厚

風俗通

魏霸字喬卿濟陰人為鉅鹿太守妻子不到官舍念兄

嫂在家勤苦而獨尊樂嘗服麤糲不食魚肉

東觀漢記

任延拜會稽郡尉吳有龍丘長者掾史白請召之延曰
龍丘先生躬德履義召之不可使功曹奉謁修書記致
醫藥積一歲長乃乘輦詣府門願得先死備錄延辭讓

再三遂署議曹祭酒

王阜為益州太守神馬四出填河中甘露降白鳥見連
有瑞應世謂其用法平正寬慈惠化所致

並上

岑熙為東郡太守招聘隱逸與參政事無為而化視事
二年與人歌之曰我有枳棘岑君伐之我有蠱賊岑君
遏之狗吠不驚足下生甕含哺鼓腹焉知凶灾我喜我
生獨於斯時美矣岑君於戲仁慈

漢蒼梧賈雍為豫章太守有神術出界討賊為賊所殺

失頭雍上馬還營營中咸走來視雍雍胸中語曰諸君
視有頭為佳無頭佳乎吏泣曰有頭佳雍曰不然無頭
亦佳言畢遂死

錄異
傳

第五倫為會稽太守常蔬食衣布受俸常取赤米

後漢
書

高慎歷東萊太守其妻謂曰君累為宰守何不為蓄以
遺子孫慎曰吾之勤苦以清名為基以二千石遺之也

陳留者

舊傳

將作大匠陳國公孫志節有蒼頭地餘年十七志節為

戶曹史令地餘歸取資用因持車馬亡去至丹陽自云
姓王名斌字文高遂留為諸曹史志節拜揚州刺史郡
選曹衣冠子弟皆出斌下乃用之斌乞屏左右叩頭涕
洟曰斌即明使君地餘也斌後為蒼梧太守

風俗通

羊茂字叔寶為郡太守冬坐白羊皮夏坐丹板榻常食
乾飯出界買鹽豉妻子不歷官舍

後漢書

張盤為廬江太守潯陽令嘗餉盤柑一奩其小男年七
歲就取一枚與之盤奪兒柑鞭卒曰何故行賂於吾子

永建中吳資為巴郡太守屢獲豐年人歌之曰吳資其
辭曰習習晨風動澍雨潤禾苗我后恤時務我人以優
饒及資還去人思資又歌曰吳資其辭曰望遠忽不見
惆悵當徘徊恩澤實難忘悠悠心永懷

上

九江太守武陵威生不識母常自悲感游學京師還於
陵谷中見一老母年六十餘因就問母姓為何曰陳家
女李氏何故獨行曰我孤獨欲依親家子威再拜長跪
自白曰子威少失慈母姓陳舅氏亦李又母與亡親同

年會遇於此乃天意也因載歸家供養以為母

風俗通

趙瑤自扶風太守來之郡司空張溫謂曰第五伯魚從

蜀郡為司空今掃吾第以待足下

後漢書

東郡趙咨為東海郡人遺其雙枯魚者噉之二歲不盡

以儉化俗

鮑德為南陽太守號神父

並上

黃穆字伯開為山陽太守有德政致甘露白兔神雀白
鳩之瑞弟真字仲開為武陵太守貪穢無行武陵人歌

曰天有冬夏人有兩黃言不同也

襄陽耆舊傳

東門與歷吳郡濟陰太守所至貪濁謠曰東門與取吳

半吳不足濟陰續

魯國先賢志

漢有牛通為隴西主簿馬文淵為太守羊喜為功曹涼

部云三牲備身

風俗通

光武建武二年西河鮮于冀為清河太守作公廨未就而亡後守趙高計功用二百萬五官黃秉功曹劉適言四百萬錢於是冀乃鬼見白日導從入府與高及秉等

對共計校定為適東所割匿冀乃書表自理其略言高
貴不尚節畝壟之夫而箕踞遺類研密失機婢妾其性
媚世求顯偷竊銀艾鄙辱天官易譏負乘誠高之謂臣
不勝鬼言謹因千里驛聞付高上之便西北去三十里
車馬皆滅不復見秉等皆伏地物故高以狀聞詔下還
冀西河田宅妻子焉兼為差代以旌幽中之訟

水經注

後漢時鄧殷為淮南太守夢行水邊見女子猛獸自後
斷其鞶囊占者曰水邊女汝字也斷鞶囊者新獸頭代

故獸頭也不作汝陰作汝南太守也

吳良字大儀齊國臨淄人以清白守正稱為郡議曹掾
正旦掾吏入賀門下掾王望舉觴上壽曰齊郡遭罹盜
賊今明府視事五年家給人足良跪曰門下掾佞諂明
府勿受其觴盜賊未盡人庶困苦今良為議曹掾尚無
袴望曰議曹情竊自無袴寧足為不家給人足耶太守
曰此生言是賜良鰕魚百枚

世說云五郡之人各是異財而逢喪亂常山一人安定

一人襄陵一人博陵一人悉皆孤獨俱行衛國同至樹
陰因相問姓名各言離亂因相謂曰我等皆無骨肉今
日幸得聚會亦天然也可為兄弟已否衆曰諾因結義
為兄弟長字仲伯次名文仲次名李仲次名叔仲次名
雅仲五人相將詣衛國市中見一老母孤單告乞五人
收養侍奉敬如事親母孝心無二已經三年其母遇疾
母曰吾是并州太原人董世基之女嫁同郡張文賢為
妻任北海太守因遭荒亂文賢卒亡葬在太原赤山之

下八塚同行東頭第一塚是賢塚吾死後汝等若能與
我送葬到塚側吾平生之願畢矣吾遭荒亂之日有一
子姓張名遺年七歲胸中有七靨足下有通徹之紋父
喪因流浪相失汝等宜思記之他日有如此子即我子
也宜話我之由言訖而卒五人扶喪至太原忽叔仲橫
被朝歌合禁繫時有一人走投太守言養母之狀述并
葬之由太守曰汝何姓氏具以對之因話男之形狀太
守聞之號哭擗地此吾母也吾以幼小兵革離亂母子

相失迄今乃發使往朝歌迎喪并具表聞奏於魏帝陳其流浪之由并述五人孝狀善其人義重可以旌之各為太守仲伯河中太守文仲河東太守叔仲河南太守季仲河西太守雅仲河北太守并賻贈張遺母喪追封太原縣太夫人仍遷張遺為魏府都護

搜神記

賈逵在豫郡亡家迎喪去去後恒見形於項城吏民以其戀慕彼境以立廟廟前有柏樹有人竊來斫伐始投斧刃仍著於樹中所著處尋而更生項城左右人莫不

振怖

賈逵碑

魏周泰為新城太守司馬宣王使鍾毓調曰君釋褐登
宰府三十六日擁麾蓋守兵馬郡乞兒乘小車一何駛
乎泰曰君名公之子少有文采故守吏職獼猴騎土牛
又何遲也

王經堂前有一流光燕雀入懷殷殷有聲管輅曰吉遷
之徵頃之拜為江夏太守

孟宗為豫章太守謂倉掾曰君昔負太守一刺寧識之

否掾曰不識宗曰吾昔家貧親老為官運資以刺詣君
感見發遣何乃久屈耶

吳錄

葛祚吳時衡陽太守郡境有大槎橫水能為妖怪百姓
為立廟行旅禱祀槎乃沈沒不者槎浮則船為之破壞
祚將去官乃大具斤斧將去民累明日當至其夜聞江
中啍啍有人聲往視槎移去船流下數里駐灣中自此
行者無復沈覆之患衡陽人為祚立碑曰正德祈禳神
木為移也

幽明錄

吳郡陸績為鬱林太守歸過洞庭湖舟輕載黃石壓之

謂之廉石

吳志

洪矩吳時為廬江太守清儉徵還船輕皆以載土

宣城記

鄧攸為吳郡太守自載糧食唯飲河水而已

王隱晉書

胡毋輔之為樂安太守嘗過河南門下飲河南駒王子

博箕坐其傍輔之叱使取火子博曰我卒也惟不乏吾

事則已安復為人使輔之因就與語嘆曰吾不及也薦

之河南尹樂廣廣召見悅之擢為功曹

上

鮑靚字子玄上黨人博究仙道為海南太守晝臨政夜

來羅浮山騰空往還

羅浮山記

龐德公子真字世文晉太康中為牂牁太守去官歸鄉居白沙里鄉人宗敬之相語曰我家池中龍種來里中

化其德讓少壯皆代老者擔

襄陽記

阮籍嘗從容言於帝曰籍平生曾遊東平樂其風土帝大悅即拜東平相籍乘驢到郡壞府舍屏鄣使內外相

望法令清簡旬日而還

晉書

興古太守馬氏在官有親故人投之求恤馬乃令此人出外住詐云是神人道士治病無不手下立愈又令辯士遊行為之虛聲云能令盲者登視瞽者即行於是四方雲集趨之如市而錢帛固已積山矣

抱朴子

何敬叔在政清約不通問遺當歲儉夏節忽榜門受餉

共得米二千八百石悉取以代貧人輸租

南史

虞愿為晉安太守郡舊出蚺蛇膽可為藥有遺愿蛇者愿不忍殺放二十里外山中一夜蛇還牀下復送四十

里山經宿復歸論者以為仁心所致海邊有越王石常
隱雲霧相傳云清廉太守乃得見愿往就觀視清徹無
所隱蔽後瑯琊王秀之為郡與朝士書曰此郡承虞公
之後善政猶存遺風易遵差得無事

謝朓字敬仲為吳興以雞卵賦人收雞數千為清談所
少

謝朓為義興太守不省雜事悉付綱紀曰吾不能作主
者吏但能太守耳

孔奐除晉陵太守曲阿富人殷綺見奐居處儉素乃餉以衣糧一具奐曰太守身居美祿何為不能辦此但百姓未周不容獨享溫飽勞卿厚意幸勿為煩

蕭推歷淮南晉陵吳郡太守所至必赤地大旱其人號旱母焉

江秉之為新安太守在郡作書案一枚去官以留府庫王秀之字伯奮為晉平太守至郡期年謂人曰此郡豐壤祿俸常盈我生資已足豈可少留而妨賢路上表請

代時人謂王晉平恐富求歸

孔琇之為臨川太守在任清約罷郡還獻乾薑二片武帝嫌其少知琇之清乃嘆息

初顧琛景平中為朝請假還東日晚至方山於時商旅數十船悉泊岸側有一人玄衣介幘執鞭屏諸船云顧吳郡部伍尋至應泊此岸於是諸船各東西俄有一假裝至事力甚寡仍泊向處人問顧吳郡早晚至船人答無顧吳郡又問何船曰顧朝請耳莫不驚怪琛意竊知

為善徵因誓之曰若得郡當於此立廟至是果為吳郡
乃立廟方山號白馬廟云

梁范述曾為永嘉太守為政清平罷郡惟得白桐木火
龍朴十餘枚而已

褚翔為義興太守郡西亭古樹枯死忽更生枝葉善政
所感也

傅昭為臨海郡有蜜巖前後太守皆自封固昭以為文
王之囿與百姓共之大可喻小乃教勿封

劉之遴除南郡太守初之遴在荊府常寄居南郡忽夢
前太守袁彖謂曰卿後當為折臂太守即居此中之遴
後牛奔墮車折臂右手偏直不復得屈伸書則以手就
筆周捨嘗戲之曰雖復並坐可橫政恐陋巷無枕

何鳳為建安太守物不敢忤伏臘每放囚還家依期而
返

臧厥為晉陽太守嚴酷少恩百姓謂之臧彪

蕭勵遷豫章內史道不拾遺男女異路去郡之日吏人

悲泣數百里中舟乘填塞至新淦縣所山村有一老姥以槃擎鰭魚自送舟側奉上之童兒數十人入水扳舟或歌或泣

殷均為臨川內史郡舊多山瘡更暑必動自均在任郡境無復瘡疾

孫廉為吳興太守廣陵高爽有險薄才客於廉委以文記爽嘗有求不遂乃為履謎以喻廉曰刺鼻不知嚏蹋面不知瞋嚙齒作步數持此得勝人譏其不計恥辱以

此取名位

任昉為新安太守為政清省吏民便之卒於官惟有桃

花米二十斛無以為斂遺言不許將新安一物還都

昉又

為義興守被代而還無裙沈約遺裙以迎

蔡樽為吳興太守不飲郡井水齋前自種白苧紫茄以

為常餌詔褒其清加信武將軍

並上

宋世良為清河太守獄櫓生桃牙門虛寂及代至傾城

祖道有老人丁金剛者泣而前謝曰老人年九十記三

十五政府君非惟善政清亦徹骨今失賢者人何以濟

莫不攀轅涕泣

北史

蘇瓊為清河守沙門道研統資巨萬在郡出息常得守
令為徵瓊每見則談問玄理道研雖為債來無由啓口
弟子問故研曰每見府君徑將我入青雲無由得論地
上事也

崔和位太守富而吝其母春月思董惜錢不買

後魏書

李曾為趙郡太守令行禁止并州丁零數為山東害知

曾能得百姓死力憚不入境賊於常山界得一死鹿賊
長謂趙郡地鹿責之還令送鹿故處郡謠曰詐作趙郡
鹿猶勝常山粟其見憚如此

韋孝寬除淅陽守時獨孤信為新野守同隸荊州情好
數密政術俱美荊部吏人號為聯璧

裴俠為河北郡守俠躬履儉素愛人如子所食唯菽麥
鹽菜而已吏人莫不懷之歌曰肥鮮不食丁庸不取裴
公貞惠為世規矩俠常與諸牧守俱謁周文帝周文帝

命俠別立謂諸牧守曰裴俠清慎奉公為天下之最令
衆中有如俠者可與之俱立衆皆默然文帝乃厚賜使
朝野服焉號為獨立使君

並上

王晞為并州司馬昭帝欲用為侍中苦辭不受謂人曰

非不愛作熱官但思之爛熟耳

北齊書

魏愷辭青州長史文宣大怒曰何物漢子與官不就愷
容色坦然帝曰死與長史任卿所擇答曰能殺臣者陛
下不受長史者愚臣帝曰何慮無人因放還

北史

趙軌為齊州別駕考績入朝父老相送者各揮涕曰別
駕在官水火不與百姓交是以不敢以壺酒相送公清
若水清酌一杯水奉餞軌受而飲之

隋書

宓子治亶父於是齊人攻魯過亶父始父老請曰麥已
熟矣今迫齊寇民人出自父傳郭者歸可以益食且不
資寇三請宓子弗聽俄而麥畢還乎齊寇季孫聞之怒
使人讓宓子曰豈不可哀哉民乎寒耕熟耘曾弗得食
也弗知猶可聞或以告而夫子弗聽宓子蹙然曰今年

無麥明年可樹不耕者得獲是樂有寇也且一歲之麥
於魯不加彊喪之不加弱今民有自取之心其創必數
年不息季孫聞之慙曰使穴可入吾豈忍見宓子哉
子貢為信陽令辭孔子而行孔子曰力之順之因子之
時無奪無伐無暴無盜子貢曰賜少日事君子君子固
有盜者耶孔子曰夫以不肖伐賢是謂奪也以賢伐不
肖是謂伐也緩其令急其誅是謂暴也取人善以自為
己是謂盜也君子之盜豈必當財幣乎吾聞之曰知為

吏者奉法利民不知為吏者枉法以侵民此皆怨之所
由生也臨官莫如平臨財莫如廉廉平之守不可攻也
匿人之善者是謂蔽賢也揚人之惡者是謂小人也
不
內相教而外相謗者是謂不足親也言人之善者有所
得而無所傷也言人之惡者無所得而有所傷也故君
子慎言語矣毋先已而後人擇言出之令口如耳
說苑
子路治蒲見於孔子曰由願受教孔子曰蒲多壯士又
難治也然吾語汝恭以敬可以攝勇寬以正可以容衆

恭以潔可以親上上

子路為蒲宰為水備與其民修溝洫以民之勞煩苦也
人與之簞食一壺漿孔子止之曰汝以為餓也何不白
於君發倉廩以賑之而以爾食饋之是明君之無惠而
見己之德矣子路心服而退家語

齊人欲伐魯畏卞莊子不敢過卞晉人欲伐衛畏子路

不敢過蒲荀子

景公欲使晏子為東阿宰三年毀聞於國景公不悅召

而免之晏子謝曰嬰知嬰之過矣請復治阿三年而譽
必聞於國景公不忍復使治阿三年而譽聞於國景公
悅召而賞之景公問其故對曰昔者嬰之治阿也築蹊
徑急門閭之政而淫民惡之舉儉力孝弟罰偷竊而情
民惡之決獄不避貴彊惡之左右所求法則予非法則
否而左右惡之事貴人體不過禮而貴人惡之是以三
邪毀乎外二讒毀於內三年而毀聞乎君也今臣謹更
之不築蹊徑而緩門閭之政而淫民說不舉儉力孝弟

不罰偷竊而情民悅決獄阿貴彊而貴彊悅左右所求
言諾而左右悅事貴人體過禮而貴人悅是三邪譽乎
外二讒譽乎內三年而譽聞於君也昔者嬰之所以當
誅者宜賞今所以當賞者宜誅是故不敢受景公知晏
子賢迺任以國政三年而齊大興

說苑

齊威王設大鼎於庭中而數無鹽令曰子之譽日聞吾
耳察子之事田野蕪倉廩虛囹圄實子以姦事吾者也

乃烹之

淮南子

子高見齊王齊王問誰可臨淄宰稱管穆焉王曰穆容貌陋民不敬答曰夫見敬在德晏子長不過三尺齊國上下莫不宗焉趙文子其身如不勝衣其言如不出口其相晉國晉國以寧皆有德故也以穆軀形方之二子猶悉賢之昔臣嘗行臨淄市見屠商焉身修八尺鬚髯如戟市之男女未有敬之者無德故也王曰是所謂祖龍始者也恍如先生之言於是乃以管穆為臨淄宰

孔叢

晉文公出亡箕鄭挈壺餐而從迷而失道與公相失饑而道泣寢餓而不敢食及文公反國舉兵攻原而拔之文公曰夫輕忍饑餒之患而必全壺餐是將不以原叛乃舉以為原令大夫渾軒聞而非之曰以不動壺餐之故怙其不以原叛也不亦無術乎故明主者不恃其不我叛也恃吾不可叛也不恃其不我欺也恃吾不可欺也

中牟無令晉平公問趙武曰中牟三國之股肱邯鄲之

肩髀寡人欲得其良令也誰使而可武曰邢伯子可公

曰非子之讐也曰私讐不入公門公又問曰中府之令

誰使而可曰臣子可故曰外舉不避讐內舉不避子

韓子

西門豹為鄴令清刻潔慤而甚簡左右左右因相與比

周而惡之居期年上計君收其璽豹自請曰臣昔者不

知所以治鄴今臣得矣願請璽復以治鄴不當請伏斧

鑕之罪文侯不忍而復與之豹因重斂百姓急事左右

期年上計文侯迎而拜之豹對曰往年臣為君治鄴而

君奪臣璽今臣為左右治鄴而君拜臣臣不治矣遂納璽而去文侯不受曰寡人曩不知子今知矣願子勉為寡人治之遂不受^上

魏文侯使西門豹往治於鄴告之曰必全功成名布義豹曰敢問全功成名布義為之奈何文侯曰子往矣是無邑不有賢豪辯博者也無邑不有好揚人之惡蔽人之善者也往必問豪賢者因而親之其辯博者因而師之問其好揚人之惡蔽人之善者因而察之不可以特

聞從事夫耳聞之不如目見之目見之不如足踐之足
踐之不如手辦之人始入官如入晦室久而愈明明乃
治治乃行

新序

西門豹治鄴廩無積粟府無儲錢庫無甲兵官無計會
人數言其過於文侯文侯身行其縣果若人言文侯曰
翟璜任子治鄴而大亂子能道則可不能將加誅於子
西門豹曰臣聞王主富民霸主富武亡國富庫今王欲
為霸王者也臣故蓄積於民君以為不然臣請升城鼓

之一鼓甲兵粟米可立具也於是乃升城而鼓之一鼓
民被甲括矢操兵弩而出再鼓負輦粟而至文侯曰罷
之西門豹曰與民約信非一日之積也一舉而欺之後
不可復用也燕常侵魏八城臣請北擊之以復侵地遂
舉兵擊燕復地而後反

淮南子

梁車為鄴令其姊往看之暮而後門閉因踰郭而入車
遂刖其足趙成侯以為不慈奪之璽而免之令

韓子

趙襄子之時以任登為中牟令上計言於襄子曰中牟

有士曰膽胥已請見之襄子見而以為中大夫相國曰
意者君耳而未之目耶為中大夫若此其易也非晉國
之故襄子曰吾舉登也已耳而目之矣登所舉吾又耳
而目之是耳目人終無已也遂不復問而以為中大夫
覽

呂

昭帝時蒙人焦貢為小黃令路不拾遺詔遷貢百姓揮
涕守闕求索還貢天子聽增貢之秩千石貢之風化猶
存其民好學多貧此其風也

風俗
通

河內趙仲讓舉司隸茂才為高唐令密乘輿車徑至高唐變易名姓止都亭中十餘日默入市里觀省風俗已呼亭長問新令為誰從何官來何時到曰縣已遣吏迎垂有起居曰正我是也亭長怖遽拜謁竟便具吏其日入舍乃謁府數十日無故便去為郡功曹所選頗有不

用因稱狂亂首走出府門太守以其宿有重名忍而不罪後為大將軍梁冀從事中郎將冬月坐庭中向日解衣裘捕虱已因傾卧厥形悉表露將軍夫人褰城君云

不潔清當亟推問將軍嘆曰是趙從事絕高士也他事若此非一也

上

虞延為細陽令每至歲時伏臘輒休遣囚徒各使歸家

並感其恩應期而還

後漢書

戴封字平仲遷西華令其年大旱禱請無獲乃積薪坐其上以自焚火起而大雨

上

李弘字仲元蜀人居成都之圭里里人化之斑白不負男女不錯行弘嘗為縣令鄉人共送之元無心就行因

共酣飲月餘太守使人促之仲元曰本不之官

高士傳

汝南步遊張少失其母及為縣令道取慮城良馬踟躕

輕軒罔進顧訪病姬乃其母也

水經注

祝良為洛陽令歲時亢旱天子祈雨不得良乃褊身階

庭告誠引罪自晨至中紫雲沓起甘雨登降人為之歌

曰天久不雨兆人失所天王自出祝令持苦精符感應

滂沱下雨

孔翊為洛陽令置水庭前得囑託書皆投水中一無所

發魯國先賢傳

瑯琊董种為不其令有赤雀乳於廳事前桑上民為作歌流傳樂府

袁安為陰平長有惠化縣先有雹淵冬夏未嘗消釋歲中輒出飛布十數里大為民害安乃推誠潔齋引愆貶已至誠感神雹遂為之沉淪伏而不起小說

公沙穆為弘農令元壽元年三輔呂東漂沒穆曉占乃

預告百姓徙高地遂得免後漢書

王渙除河內溫令商賈露宿人開門卧人為作謠曰王稚子代未有平徭役百姓喜

吳祐為弘農令勸善懲姦貪濁出境甘露降年穀豐童謠曰君不我憂人何以休不行界署焉知人處

崔瑗為汲令開溝造稻田瀉鹵之地更為沃壤民賴其利長老歌之曰上天降神明錫我仁慈父臨民布德澤恩惠施以序穿溝廣溉灌決渠作甘雨

董宣字少平為洛陽令搏擊豪強莫不震慄京師號為

卧虎歌云枹鼓不鳴董少平

劉陶字子奇潁川潁陰人桓帝時除順陽長縣多姦猾
陶到官宣募吏民有勇力能以死易生者得數百人皆
嚴兵待命於是覆案姦軌所按發若神以病免吏民思
而歌之曰悵然不樂思我劉君何時復來安此下民

並上

王譚字世容為武成令民服德化宿惡奔迸父老歌曰

王世容治無雙

吳錄

閻憲字孟度為綿竹令以禮讓為化民莫敢犯男子杜

成夜行得遺物一囊中布錦二十五疋求其主還之曰
縣有明君何敢負其化童謠歌曰閻尹賦政既明且咏
去苛去辟動以禮讓遷蜀郡民涕泣送之以千數

華陽國志

何隨字季業除安漢令蜀亡去官時巴土饑荒所在無
穀送吏行乏輒取道側民芋隨以綿繫其處使足所取
直民視芋見綿相語曰聞何安漢清廉行過從者無糧
必能爾爾持綿追還之終不受因為語曰安漢吏取糧
令為之償

上

鄭潭字文公禁人殺子民咸舉育男女皆以鄭為字

三國

志

吳褚瑤字孔珽為烏傷令罷去單船而歸故人太子中庶子羊道乞土宜瑤乃抽船上竹一竿與之曰東南之美惟竹箭最貞而有節幸堪歲寒羊道密令人視之舟中惟竹笠一枚蘆席數領遂啓用瑤為昭信中郎

吳書

陳司空為邑宰所在幽閑獨坐愁思幸賴遊蟻以娛其

意

應璩與曹昭伯牋

鉅鹿時苗為壽春令始之官乘犢牛歲餘生一犢及代

留犢而去

魏略

宋登字叔陽為汝陰令政教明能號稱神父汝陰人配社祠之上

萬亮為永康令嚴刻人憚之乃以桃木刻作亮身燒柴

煮湯火熾桃人自鼎跳去

吳苑

滇陽令羊嗣貪而不治縣功曹吏共逐嗣嗣饒鬚乃以

嗣內羊闌中始興太守尹虞聞之大怒手劔功曹

鄧粲晉紀

陸雲為浚儀令有見殺者主名不立雲錄其妻而無所問十許日遣出密令人隨後謂曰其去不出十里當有男子候之與語便縛至既而果然問之具服云與此妻通共殺其夫聞妻得出欲與語憚近縣故遠相要候於是一縣稱為神明

晉書

袁甫字公甫自言能為劇縣荀勗曰惟欲宰縣不為臺閣職何也甫曰人各有能有不能譬繒中之好莫過錦錦不可以為幅穀中之美莫過稻稻不可以為蘆是以

聖王使人必先以器苟非周材何能悉長黃霸馳名於
州郡而息譽於京邑廷尉之材不為三公自昔然也勗
善之除松滋令

上

高爽經途謁晉陵令劉蒨之蒨之了不相接俄爽代為
晉陵令蒨之迎贈甚厚爽受餉答書曰高晉陵自答人
問所以曰劉蒨之自餉晉陵令耳何關爽事

南史

樂法才為建康令不受俸秩比去將至百金懸曹啟輸
臺庫武帝嘉之曰居職若斯可謂百城表矣

梁書

顧憲之字士思元徽中為建康令清儉彊力為政甚得
人和故都下飲酒者醇旨輒號為顧建康謂其清且美

馬

南史

傅琰字秀珪為武康令遷山陰令並著能名二縣皆謂
之傅聖

范岫字懋賓所居官恒以廉潔著稱為長城令時有梓
材巾箱至數十年經貴遂不改易在晉陵惟作牙管筆
一雙猶以為費

傅翽為吳令往別建康令孫廉廉問曰聞丈人發姦摘
伏惠化如神何以致此答曰無他也惟勤而清清則憲
綱自行勤則事無不理

傅翽為官有能名時臨淮劉玄明亦有吏能歷山陰建
康令政嘗為天下第一終於司晨卿後翽又代玄明為
山陰令問玄明曰願以舊政告新令尹答曰我有奇術
卿家譜所不載臨別當相示既而曰作縣令惟日食一
升飯而莫飲酒此第一策也

張融出為封溪令廣越嶂險獠賊執張將殺食之張神色不動方作洛生詠

沈瓚之吳興武康人為丹徒令性疎直在縣自以清廉不事左右浸潤日至遂鎖繫尚方歎曰一見天子足矣上召問曰復欲何陳答曰臣坐清所以獲罪上曰清復何獲罪曰無以承奉要人上曰要人為誰瓚之以手板四面指曰此赤衣諸賢皆是若臣得更鳴必令清譽日至上知其無罪重除丹徒令入縣界吏人候之曰我今

重來當以人肝代米不然清名不立

並上

貴鄉館陶人爭請以魏德深為長詔遣斷從貴鄉貴鄉吏人歌呼滿道互相稱慶館陶衆庶合境悲泣因徙而居者數百家

蘇威薦房恭懿授新豐令為三輔之最上呼至榻前訪

以理人之術

隋書

黃穆字子敬安成人也為郡主簿太守荆寓舉穆孝廉乃薦讓殷仲才寓不聽遂懷板入見寓曰若仲才者六

選之首也而穆先之適足以興謗議便投板於內寓知

不可移遂從之


周斐汝南先賢傳

馮良年二十為尉舉檄書迎督郵即路慨然恥在廝役
因毀車殺馬裂衣冠遁至犍為從姜撫學妻子求索蹤
跡斷絕後見草中有敗車死馬衣裳朽腐以為虎狼盜
賊所害發喪制服十許年乃還鄉里

後漢書范史雲
事稍類此入神部

漢雍仲子進南海香物拜為洛陽尉時謂之香尉

述異



廣博物志卷十七

欽定四庫全書

子部
廣博物志卷十八

詳校官侍讀學士

臣沈咸熙

主事

臣

祁韻士覆勘

總校官知縣

臣

楊懋珩

校對官中書

臣

石鴻翥

謄錄監生

臣

羅佑湘

欽定四庫全書

廣博物志卷十八

明 董斯張 撰

人倫一

總論人

君臣

孝子

賢子

誠子

三月微的而後能見七月生齒而後能食期年髑就而
後能行五季腦合而後能言十六精通而後能施化男
八月生齒八歲而齠齒女七月生齒七歲而齠齒
韓詩外傳
一月而膏二月而腠三月而胎四月而肌五月而筋六

月而骨七月而成八月而動九月而躁十月而生

淮南子

人皇之後有五姓四姓七姓十二姓紀則姓疑起於此

通歷記

三代之前姓氏分而為二男子稱氏婦人稱姓氏以別

貴賤貴者有氏賤者有名無氏姓所以別婚姻故有同

姓異姓庶姓之別三代之後姓氏合而為一皆所以別

婚姻而以地望明貴賤

鄭樵氏族畧

譜牒之不修也久矣自晉東渡五胡亂中原衣冠離散

而致然也夫京房之先李姓也牛弘之先遼姓也踈之
後乃為東民之後乃為氏元魏據洛諸虜喜中原之姓
而冒之者益衆則譜不可以不知也

塵史

晉侯霸之子孫稱其祖父曰家公陳思王稱其父曰家
父母曰家母潘尼稱其祖曰家祖古人之所行今人之
所笑也今南北風俗言其祖及二親無云家者田里猥
人方有此言爾凡與人言言已世父以次第稱之不云
家者以尊於父不敢家也凡言姑姊妹女子已嫁則以

夫氏稱之在室則以次第稱之言禮成他族不得云家也子孫不得稱家者輕畧之也蔡邕書集呼其姑女為家姑家姊班固書集亦云家孫今並不行也凡與人言稱彼祖父母世父母父母及長姑皆加尊字自叔父母以下則加賢字尊卑之差也王羲之書稱彼之母與自稱己母同不云尊字今所非也

顏氏家訓

昔堯賜緡姓姬賜禹姓姒氏曰有夏伯夷為姜氏曰有呂下及三代官有世功則有官族邑亦如之後世微末

因是以為姓則不能改也故或傳本姓或氏號邑謚或氏於爵或氏於志若夫五帝三王之世所謂號也文武昭景成宣戴桓所謂謚也齊魯吳楚秦晉燕趙所謂國也王氏侯氏王孫公孫所謂爵也司馬司徒中行下軍所謂官也伯有孟孫子服叔子所謂字也巫氏匠氏陶氏所謂事也東門西門南宮東郭北郭所謂居也三鳥五鹿青牛白馬所謂志也凡厥姓氏皆出屬而不可勝紀也

潛夫論

父之考為王父父之妣為王母玄孫之子為來孫來孫之子為晁孫晁孫之子為雲孫王父之姊妹為王姑母之考為外王父母之姊妹為從母妻之父為外舅妻之母為外姑姊妹之子曰出出之子為離孫侄之子為歸孫婦稱夫之父母曰君舅君姑謂夫之庶母曰少姑夫之兄為兄公夫之姊為女公夫之女弟為女妹壻之父為姻婦之父為婚同門壻為亞

爾雅

爸步可切父也肥子切我母也娟孟姊也媚音妹也父渠也

廣雅

母牧也兄況也弟悌也子敬也孫順也男任也女和也

親視也言相隱視也屬續也恩相連續也父甫也始生已也母冒也含生已也祖祚也祚物先也又謂之王父王睢也家中所歸睢也王母亦如之曾祖從下推上祖位轉增益也高祖高臯也最在上臯韜諸下也兄荒也荒大也故青徐人謂兄為荒也弟弟也相次第而上也子孳也相生蕃孳也孫遜也遜遁在後生也曾孫義如

曾祖也玄孫玄懸也上懸於高祖最在下也玄孫之子
曰來孫此在無服之外其意踈遠呼之乃來也來孫之
子曰昆孫昆貫也恩情轉遠以禮貫連之耳昆孫之子
曰仍孫以禮仍有之耳恩意實遠也仍孫之子曰雲孫
言去已遠如浮雲也皆為早娶晚死壽考者言也父之
兄曰世父言為嫡統繼世也又曰伯父伯把也把持家
政也父之弟曰仲父仲中也位在中也仲父之弟曰叔
父叔少也叔之弟曰季父季癸也甲乙之次癸最在下

季亦然也父之世叔父母曰從祖父母言從已親祖別而下也亦言隨從已祖以為名也父之姊妹曰姑姑故也言於已為久故之人也姊積也猶日始出積時多而明也妹昧也猶日始入歷時少尚昧也姑謂兄弟之女為姪姪迭也共行事夫更迭進御也夫之父曰舅舅久也久老稱也夫之母曰姑亦言故也母之兄弟曰舅亦如之也妻之父曰外舅母曰外姑言妻從外來謂至已家為歸故反以此義稱之夫妻匹敵之義也妻之昆弟

子曰外甥其姊妹女既來歸已內為妻故其男所生為外也甥者生也他姓子本生於外不得如其女來在已內也姊妹之子曰出出嫁於異姓而生之也出之子曰離孫言遠離已也侄之子曰歸孫婦人謂嫁曰歸侄子列故其所生為孫也妻之姊妹曰娣娣弟也言與已妻相長弟也母之姊妹曰姨亦如之禮謂之從母為娣而來則從母列也故雖不來猶以此名之也姊妹互相謂夫曰私言於其夫兄弟之中此人與已姊妹有恩私也

舅謂姊妹之子曰甥甥亦生也出配他男而生故其制
字男旁作生也妾謂夫之嫡妻曰女君夫為男君故名
其妻曰女君也嫂叟也叟老者稱也嫂縮也人及物老
皆縮小於舊也叔少也幼者稱也叔亦俶也見嫂俶然
却還也夫之兄曰公公君也君尊稱也俗間曰兄章章
灼也章灼敬奉之也又曰兄忪是已所敬見之怔忡自
肅齊也俗或謂舅曰章又曰忪亦如之也少婦謂長婦
曰姒言其先來已所當法似也長婦謂少婦曰娣娣弟

也已後來也或曰先後以來先後言之也青徐人謂長婦曰植長禾苗先生者曰植取名於此也荊豫人謂長婦曰熟熟祝也祝始也兩壻相謂曰亞言一人取姊一人取妹相亞次也又並來至女氏門姊夫在前妹夫在後亦相亞而相倚共成其禮也又曰友壻言相親友也婦之父曰婚言壻親迎用昏又恒以昏夜成禮也壻之父曰姻姻因也女往因媒也天子之妃曰后后後也言在後不敢以副言也諸侯之妃曰夫人夫扶也扶助其

君也卿之妃曰內子子女子也在閨門之內治家也大
夫之妃曰命婦婦服也服家事也夫受命於朝妻受命
於家也士庶人曰妻妻齊也夫賤不足以尊稱故齊等
言也天子妾有嬪嬪賓也諸妾之中見賓敬也妾接也
以賤見接幸也姪娣曰媵媵承事嫡也

釋名

河間獻王問溫城董君曰孝經曰夫孝天之經地之義
何謂也對曰天有五行木火土金水是也木生火火生
土土生金金生水水為冬金為秋土為季夏火為夏木

為春春主生夏主長季夏主養秋主收冬主藏是故父之所生其子長之父之所長其子養之父之所養其子成之諸父所為其子皆奉承而續行之不敢不致如父之意盡為入之道也由此觀之父授之子受之乃天之道也故曰天之經也王曰善哉願聞地之義對曰地出雲為雨起氣為風地不敢有其功名必上之於天命故曰天風天雨也莫曰地風地雨也勤勞在地名歸於天非至有義其孰能行此故下事上如地事天也可謂大

忠矣土者火之子也五行莫貴於土土之於四時無所
命者不與火分功名木名春火名夏金名秋水名冬忠
臣之義孝子之行取之土土者五行最貴者也其義不
可以加矣五聲莫貴於宮五味莫貴於甘五色莫貴於
黃此謂孝者地之義也王曰善哉

董子

父死子繼何法法木終火旺也兄死弟及何法法夏之
承春也善善及子孫何法法春生待夏復長也惡惡止
其身何法法秋煞不待冬也主幼臣攝政何法法土用

事於季孟之間也子之復讐何法法土勝水水勝火也
子順父臣順君妻順夫何法法地順天也男不離父母
何法法火不離木也女離父母何法法水流去金也娶
妻親迎何法法日入陽下陰也君讓臣何法法月三十
日名其功也善稱君過稱已何法法陰陽共叙共生陽
名生陰名煞也臣有功歸於君何法法歸明於日也臣
諫君何法法金正木也子諫父何法法火揉直木也臣
諫君不從則去何法法水潤下達於上也君子遠子近

孫何法法木遠火近土也親屬臣諫不相去何法法水
木枝葉不相離也父為子隱何法法木之藏火也子為
父隱何法法水逃金也君有衆民何法法天有衆星也
王者賜先親近後踈遠何法法天雨高者先得之也長
幼何法法四時有孟仲季也朋友何法法水合流相承
也父母生子養長子何法法水生木長大也子養父母
何法法夏養長木此火養木也不以父母廢主命何法
法金不畏土而畏火陽舒陰急何法法日行遲月行疾

也有分土無分民何法法四時各有分而所生者通也
若言春東方天下皆生也君一娶九女何法法九州象
天之施也不娶同姓何法法五行異類乃相生也子喪
父母何法法木不見水則憔悴也喪三年何法法三季
一閏天道終也父喪子夫喪妻何法法一歲物有終始
天氣亦為之變也年六十閉房何法法六月陽氣衰也
人有五臟六腑何法法五行六合也人目何法法日月
明也日照晝月照夜人目所不更照何法法日不更用

事也臣之諫君何法法金正木也臣諫君以義故折正之也子諫父以恩故但揉之也

白虎通

父子者何謂也父者矩也以法度教子子者孳孳無已也

謂之舅姑何舅者舊也姑者故也舊故者老人之稱也謂之姊妹者何姊者恣也妹者末也謂之兄弟何兄者况父法也弟者悌也心順行篤也

宗者何謂也宗尊也為先祖主也宗人之所尊也禮曰

宗人將有事族人皆待主者所以必有宗何也所以長
和睦也大宗能率小宗小宗能率羣弟通於有無所以
紀理族人者也宗其為始祖後者為大宗此百世之所
宗也宗其為高祖後者五世而遷者也高祖遷於上宗
則易於下宗其為曾祖後者為曾祖宗宗其為祖後者
為祖宗宗其為父後者為父宗以上至高祖宗皆為小
宗以其轉遷別於大宗也別子者自為其子孫為祖繼
別也各自為宗小宗有四大宗有一凡有五宗人之親

所以備矣諸侯奪宗明尊者宜之大夫不得奪宗何曰
諸侯世世傳子孫故奪宗大夫不傳子孫故不奪宗也
喪服經曰大夫為宗子不言諸侯為宗子也族者何也
族者湊也聚也謂恩愛相流湊也生相親愛死相哀痛
有會聚之道故謂之族尚書曰以親九族族所以九何
九之言究也親親恩愛究竟也謂父族四母族三妻族
二父族四者謂父之姓一族也父女昆弟適人有子為
二族也身女昆弟適人有子為三族也身女子適人有

子為四族也母族三者母之父母一族也母之昆弟一族也母昆弟子三族也母昆弟者男女皆在外親故合言之妻族二者妻之父為一族妻之母為二族妻之親畧故父母各一族禮曰惟氏三族之不虞尚書曰以親九族義同也

並上以
下君臣

管仲射小白中其鈎白陽僵鮑叔割指血塗之傾蓋以覆之哭曰吾君死矣魯攝兵

班固出
通賦注

齊桓公知甯戚將任之以政羣臣爭譏之曰甯戚衛人

也去齊不遠君可使人問之問之而固賢用未晚也公曰不然問之患其有小惡以其小惡忘其大美此世所以失天下之士也乃夜舉火而爵之以為卿

劉晝
新論

桓公微服而行於民間有鹿門稷者行年七十而無妻桓公問管仲曰有民老而無妻者乎管仲曰有鹿門稷者行年七十矣而無妻桓公曰何以令之有妻管仲曰臣聞之上有積財則民臣必匱乏於下宮中有怨女則有老而無妻者桓公曰善令于宮中女子未嘗御者出嫁

之乃令男子年二十而室女年十五而嫁

韓非子

桓公之平陵見家人有年老而自養者公問其故對曰
吾有子九人家貧無以妻之吾使傭而未返也桓公取
外御者五人妻之管仲入見曰公之施惠不亦小矣公
曰何也對曰公待所見而施惠焉則齊國之有妻者少
矣公曰若何管仲曰令國丈夫三十而室女子十五而
嫁

說苑此與上文
小異並存之

齊桓公謂鮑叔曰寡人欲鑄大鐘昭寡人之名焉寡人

之行豈避堯舜哉鮑叔曰敢問君之行桓公曰昔者吾
圍譚三年得之而不自與者仁也吾北伐孤竹剗令支
而反者武也吾為葵丘之會以偃天下之兵者文也諸
侯抱美玉而朝者九國寡人不受者義也然則文武仁
義寡人盡有之矣寡人之行豈避堯舜哉鮑叔曰君直
言臣對昔者公子糾在上位而不讓非仁也背太公之
言而侵魯境非義也壇場之上詘於一劍非武也姪娣
不離懷衽非文也為不善遍於物不自知者無天禍必

有人害天處甚高其聽甚下除君過言天且聞之桓公
曰寡人有過子幸教寡人是社稷之福也子不幸教幾
有大罪以辱社稷

說此

管仲有病桓公往問之對曰臣願君之遠易牙豎刁堂
巫公子開方公不聽期年四子作難圍公一室不得出
有一婦人從竇入得至公所告之公曰嗟茲乎聖人之
言長乎哉吾何面目見仲父地下乃援素幘裹首而死
葬以楊門之扇

管子

衛懿公有臣曰弘演遠使未還狄人攻衛其民曰君之所與祿位者鶴也所富者宮人也君使宮人與鶴戰余馬能戰遂潰而去狄人追及懿公於榮澤殺之盡食其肉獨舍其肝弘演至報使於肝畢呼天而號盡哀而止曰臣請為表因自刺其腹內懿公之肝而死齊桓公聞之曰衛之亡也以無道今有臣若此不可不存於是救

衛於楚丘

新序

晉獻公之時東郭民有祖朝者上書獻公曰草茅臣東

郭民祖朝願請聞國家之計獻公使使出告之曰肉食者已慮之矣藿食者尚何與焉祖朝對曰大王獨不聞古之將曰桓司馬者朝其君舉而晏御呼車驂亦呼車御肘其驂曰子何越云為乎何為藉呼車驂謂其御曰當呼者呼乃吾事也子當御正子之轡銜耳子今不正轡銜使馬卒然驚妄轢道中行人必逢大敵下車免劔涉血履肝者固吾事也子寧能辟子之轡下佐我乎其禍亦及我身與有深憂吾安得無呼車哉今大王曰食肉

者已慮之矣藿食者尚何與焉設使食肉者一旦失計
於廟堂之上若臣等之藿食者寧得無肝膽塗地於中
原之野與其禍亦及臣之身臣與有其憂深臣安得無
興國家之計乎獻公召而見之三日與語無復憂者乃
立以為師也

說死

晉文公逐麋而失之問農夫老古曰吾麋何在老古以
足指曰如是往公曰寡人問予以足指何也老古振衣
而起曰一不意人君如此也虎豹之居也厭閑而近人

故得魚鼈之居也厭深而之淺故得諸侯厭衆而亡其國於是文公恐歸遇欒武子欒武子曰獵得獸乎而有悅色文公曰寡人逐麋而失之得善言故有悅色欒武子曰其人安在乎曰吾未與來也欒武子曰居上位而不恤其下驕也緩令急誅暴也取人之言而棄其身盜也文公曰善還載老古與俱歸

晉文公將伐鄴趙衰言所以勝鄴文公用之而勝鄴將賞趙衰趙衰曰君將賞其末乎賞其本乎賞其本則騎

乘者存賞其本則臣聞之邲虎公召邲虎賞之邲虎對
曰言之易行之難臣言之者也公曰子無辭乃受賞

晉文公亡時陶叔狐從文公反國行三賞而不及陶叔
狐舅犯言之文公文公曰嘻我豈忘是子哉夫高明至
賢德行全誠暴浣我行昭明我名使我為成人者吾以
為上賞防我以禮諫我以誼蕃援我使我不得為非數
引我而請於賢人之門吾以為次賞夫勇壯強禦免我
於患難之中者吾又以為之次且子獨不聞乎死人者

不如存人之身亡人者不如存人之國三行賞之後而
勞苦之士次之夫勞苦之士是子固為首矣豈敢忘子
哉周內史叔與聞之曰文公其伯乎昔聖王先德而後
力文公其當之矣

並上

楚恭王有疾召令尹曰常侍莞蘇與我處犯我以義吾與
其處不見不思也雖然吾有以得也其功不細必爵之申
伯與我處吾所樂者勸吾為之吾所好者勸吾服
之嘗與處不見思之雖然吾終無得也其過也不細必

亟遣之令尹曰諾明日王薨令尹即拜薨蘇為上卿而

逐申伯出於國

新序 恭王呂氏作
文王薨蘇作覓諸

文王得茹黃之狗宛路之贈以畋於雲夢三月不反得
丹之姬淫期年不聽朝祿申曰先王卜以臣為祿吉王
之罪當笞王曰不殺免衣緇綌而齒於諸侯願請變更
而無笞祿申曰臣承先王之令不敢廢也王不受笞是
廢先王之令也臣寧抵罪於王毋抵罪於先王王曰敬
諾引席王伏祿申束紕荆五十跪而加之於背如此者

再謂王起矣王曰有笞之名一也遂致之申曰臣聞君子耻之小人痛之耻之不變痛之何益葆申趨出自流于淵請死罪文王曰此不殺之過也葆申何罪王乃變更召葆申殺茹黃之狗析宛路之矰放丹之姬後荆國兼國三十九令荆國廣大至於此者葆申之力也

呂氏

春秋

荆有善相人者所言無遺策聞於國莊王見而問焉對曰臣非能相人也能觀人之友也觀布衣也其友皆孝

悌純謹畏令如此者其家必日益身必日榮矣所謂吉人也觀事君者也其友皆誠信有行好善如此者事君日益官職日進此所謂吉臣也觀人主也其朝臣多賢左右多忠主有失皆交爭正諫如此者國日安主日尊天下日服此所謂吉主也臣非能相人也能觀人之友也莊王善之於是疾收士日夜不懈遂霸天下

上

楚莊王謀事而當羣臣莫逮退朝而有憂色申公巫臣進問曰王朝而有憂色何也莊王曰不穀謀事而當羣臣

莫能逮是以憂也其在中歸之言也曰諸侯自為得師者王得友者霸得疑者存自為謀而莫已若者亡今以不殺之不肖而羣臣莫吾逮吾國幾於亡乎是以憂也

荀子

楚昭王當房而立愀然有寒色曰寡人朝饑饉時酒二
醢重裘而立猶惛然有寒氣將柰我元元之百姓何是
日也出府之裘以衣寒者出倉之粟以賑饑者居二年
闔閭襲郢昭王奔隨諸當房之賜者請還至死之寇闔

閭一夕而十徙卧不能賴曳師而去昭王乃復當房之

德也

賈子

齊莊公且伐莒為車五乘之賓而杞梁華舟獨不與焉
故歸而不食其母曰汝生而無義死而無名則雖非五
乘孰不汝笑也汝生而有義死而有名則五乘之賓盡
汝下也趣食乃行杞梁華舟同車侍於莊公而行至莒
莒人逆之杞梁華舟下鬪獲甲首三百莊公止之曰子
止與子同齊國杞梁華舟曰君為五乘之賓而舟梁不

與焉是少吾勇也臨敵涉難止我以利是汙吾行也深入多殺者臣之事也齊國之利非吾所知也遂進鬪壞軍陷陣三軍弗敢當至莒城下莒人以炭置地二人立有間不能入隰侯重為右曰吾聞古之士犯患涉難者其去遂於物也來吾踰子隰侯重仗楯伏炭二子乘而入顧而哭之華舟後息杞梁曰汝無勇乎何哭之久也華舟曰吾豈無勇哉是其勇與我同也而先吾死是以哀之莒人曰子無死與子同莒國杞梁華舟曰去國歸

敵非忠臣也去長受賜非正行也且鷄鳴而期日中而忘之非信也深入多殺者臣之事也莒國之利非吾所知也遂進鬪殺二十七人而死其妻聞之而哭城為之陲而隅為之崩

說苑

齊崔杼弑莊公邢蒯聵使晉而返其僕曰崔杼弑莊公子將奚如邢蒯聵曰驅之將入死而報君其僕曰君之無道四隣諸侯莫不聞也以夫子而死之不亦難乎邢蒯聵曰聞食其祿者死其事吾既食亂君之祿矣又安

得治君而死之遂驅車入死其僕曰人有亂君人猶死之我有治長可毋死乎乃結轡自刎於車上

崔杼弑莊公有陳不占者聞君難將赴之比去餐則失匕上車失軾聞戰鬪之聲恐駭而死

上

齊景公出田十有七日而不反晏子乘而往比至衣冠不正景公見而怪之曰夫子何遽乎得無有急乎晏子對曰然有急國人皆以君為惡民好禽臣聞之魚鱉厭深淵而就乾淺故得於釣網禽獸厭深山而下於都澤

故得於田獵今君出田十有七日而不反不亦過乎景
公曰不然為賓客莫應待邪則行人子牛在為宗廟
不血食邪則祝人太宰在為獄不中邪則大理子幾在
為國家有餘不足邪則巫賢在寡人有四子猶有四肢
也而得代焉又何患焉晏子曰然人心有四肢而得代
焉則善矣令四肢無心十有七日不死乎景公曰善哉
言遂援晏子之手與驂乘而歸

韓詩
外傳

景公登箚室而望見人有斷雍門之櫺者公令吏拘之

顧謂晏子趣誅之晏子對曰嬰聞之古者人君出則闢道十里非畏也冕前有旒惡多所見也續紘琕耳惡多所聞也大帶重半鈞舄履倍重不欲輕也刑死之罪日中之朝君過之則赦之嬰未嘗聞為人君而自坐其民者也公曰赦之無使夫子復言

子晏

景公飲酒夜移於晏子前驅欵門曰君至晏子被玄端立於門曰諸侯得微有故乎國家得微有事乎君何為非時而夜辱公曰酒醴之味金石之聲願與夫子樂之

晏子對曰夫布薦席陳簠簋者有人臣不敢與焉公曰
移於司馬穰苴之家前驅欵門曰君至穰苴介冑搃戟
立於門曰諸侯得微有兵乎大臣得微有叛者乎君何
為非時而夜辱公曰酒醴之味金石之聲願與將軍樂
之穰苴對曰夫布薦席陳簠簋者有人臣不敢與焉公
曰移於梁丘據之家前驅欵門曰君至梁丘據左操瑟
右挈竽行歌而出

景公病疽在背高子國子請見高子進而撫瘍公曰熱

乎曰熱熱何如曰如火其色何如曰如朱熱李大小如
何曰如豈其墜者何智如履辨二子者出晏子入呼宰
人具盥御者具巾刷跪請撫瘍公曰其熱何如曰如日
其色何如曰如蒼玉大小何如曰如璧其墜者何如曰
如珪晏子出公曰吾不見君子不知野人之拙也

並上

晉平公問於叔向曰昔者齊桓公一匡天下不識其君
之力乎其臣之力乎叔向對曰管仲善制割隰朋善削
縫賓胥無善繩緣桓公知衣而已亦其臣之力也師曠

侍曰臣請譬之以五味管仲善斷割之隰朋善煎熬之
賓胥無善齊和之美以熱矣奉而進之而君不食誰能
強之亦君之力也

新序

晉逐欒盈之族命其家臣有敢從者死其臣曰辛俞從
之吏得而將殺之君曰命汝無得從敢從何也辛俞對
曰臣聞三世仕於家君之二世者主之事君以死事主
以勤為其賜之多也今臣三世於欒氏受其賜多矣臣
敢畏死而忘三世之恩哉晉君釋之

說苑

簡子有臣尹綽赦厥簡子曰厥愛我諫我必不於衆人中綽也不愛我諫我必於衆人中尹綽曰厥也愛君之醜而不愛君之過也臣愛君之過而不愛君之醜孔子曰君子哉尹綽面訾不譽也

趙簡子上羊腸之坂羣臣皆偏袒推車而虎會獨擔戟行歌不推車簡子曰會為人臣侮其主其罪何若虎會對曰為人臣而侮其主者死而又死簡子曰何謂死而又死虎會曰身死妻子又死若是謂死而又死君旣已

聞為人臣而侮其主者之罪矣君亦聞為人君而侮其臣者乎簡子曰為人君而侮其臣者何若虎會對曰為人君而侮其臣者智者不為謀辯者不為使勇者不為鬪智者不為謀則社稷危辯者不為使則使不通勇者不為鬪則邊境侵簡子曰善乃罷羣臣不推車以虎會為上客

並上

趙簡子有臣曰周舍立於門下三日三夜簡子使問之對曰願為諤諤之臣筆墨搯牘從君之過簡子居則與

之居出則與之出居無幾何而周舍死後與諸大夫飲
於洪波之臺酒酣簡子涕泣諸大夫皆出走曰臣有罪
而不自知簡子曰大夫皆無罪昔者商紂默默而亡武
王諤諤而昌今自周舍之死吾未嘗聞吾過也吾亡無
日矣是以寡人泣也

韓詩
外傳

中行文子出亡至邊從者曰為此嗇夫者君人也胡不
休焉且待後車者文子曰異日吾好音此子遺吾琴吾
好佩又遺吾玉是不非吾過者也自容於我者也吾恐

其以我求容也遂不入後車入門文子問嗇夫之所在
執而殺之

說苑

魯哀公問於孔子曰當今之時君子誰賢對曰衛靈公
公曰吾聞之其閨門之內姑姊妹無別對曰臣觀於朝
廷未觀於堂陛之間也靈公之弟曰公子渠牟其知足
以治千乘之國其信足以守之而靈公愛之又有士曰
王林國有賢人必進而任之無不達也不能達退而與
分其祿而靈公尊之又有士曰慶足國有大事則進而

治之無不濟也而靈公說之史鮪去衛靈公卽舍三月
琴瑟不御待史鮪之入也而後入臣是以知其賢也上

昔顏回死魯定公將躬弔焉使人訪仲尼仲尼曰凡在
邦內皆臣也定公乃升自東階行君禮焉

抱朴子

衛蒯瞶亂子路與師往有狐黯者當師曰子欲入耶曰
然黯從城上繫麻繩釣子路半城問曰為師也耶為君
耶曰在君為君在師為師黯因授之折其左股不死黯
開城欲殺之子路目如明星之光曜黯不能前黯曰畏

子之目願覆之子路以衣袂覆目黯遂殺之

論語
隱義

白公之難楚人有莊善者辭其母將往死之其母曰棄其親而死其君可謂義乎莊善曰吾聞事君者內其祿而外其身今所以養母者君之祿也身安得無死乎遂辭而行比至公門三廢車中其僕曰子懼矣曰懼既懼何不返莊善曰懼者吾私也死義吾公也聞君子不以私害公及公門刎頸而死

說
死

吳與楚戰于柘舉三戰入郢君王身出百姓離散蒙殺

結鬪於宮唐之上舍鬪奔郢曰若有孤楚國社稷其庶幾乎遂入大宮負雞次之典以浮於江逃於雲夢之中昭王反郢五官失法百姓昏亂蒙穀獻典五官得法而百姓大治封之執圭田六百畛蒙穀怒曰穀非人臣社稷之臣苟社稷血食余豈患無君乎遂自棄於磨山之

中

戰國策

梁君出獵見白鴈羣集梁君下車彀弓欲射之道有行者白鴈羣駭梁君怒欲殺行者其御公孫龍下車撫其

心梁君忿然作色而怒曰龍不欲其君而顧與他人何也公孫龍對曰昔者齊景公之時天旱三年卜之曰必以人祠乃雨景公下堂頓首曰吾所以求雨者為民也今必使吾以人祠乃且雨寡人將自當之言未卒而天大雨方千里何為有德於天而惠施民也今主君以白鴈之故而欲殺人無異於虎狼梁君援手與上車歸入郭門呼萬歲曰樂哉今日也人獵皆禽獸吾獵獨得善

言而歸

新序

魯陽文君謂子墨子曰有語我以忠臣者令之俯則俯
令之仰則仰處則靜呼則應可謂忠臣乎子墨子曰令
之俯則俯令之仰則仰是似景也處則靜呼則應是似
響也君將何得於景與響哉若以翟之所謂忠臣者上
有過則微之以諫已有善則訪之上而無敢以告外廷
其邪而入其善尚而無下比以美善在上而怨讐在下
安樂在上而憂憾在臣此翟之謂忠臣者也

子墨

知伯囂之時有士曰長兒子魚絕知伯而去之三年將

東之越而道聞知伯囂之見殺也謂御曰還車反吾將
死之御曰夫子絕知伯而去之三年矣今反死之是絕
屬無別也長兒子魚曰不然吾聞仁者無餘愛忠臣無
餘祿吾聞知伯之死而動吾心餘祿之加於我者至今
尚存吾將往依之反而死

說苑

豫讓為知伯報讐為襄子所得使兵環之讓願請其衣
而擊之襄子義之脫附身之衣以與之讓拔劍三躍呼
天擊之衣盡出血曰而可以報知伯矣遂伏劍而死襄

子曰車車輪未周而亡

環語史
索隱

田鮪教其子田章曰欲利而身先利而君欲富而家先富而國一日田鮪教其子田章曰主賣官爵臣賣智力

故自恃無恃人

韓非子

齊負郭之民有狐咥者正議閔王斲之檀衢按呂氏春秋貴直論狐援說齊湣王曰殷之鼎陳於周之廷其社益于周之屏其干戚之音在人之遊亡國之音不得至於廟亡國之社不得見於天亡國之器陳於廷所以為

戒王必勉之其無使齊之大呂陳之廷無使太公之社
益之屏無使齊音充人之遊齊王不受狐援出而哭國
五日其辭曰先出也衣絺紵後出也滿囹圄吾今見民
之洋洋然東走而不知所處齊王問吏曰哭國之法若
何吏曰斲王曰行法狐援乃言曰有人自南方來鮒入
而鮒居使人之朝為草而國為墟殷有比干吳有子胥
齊有狐援已不用若言又斲之東間每斲者以吾參夫
二子者乎漢古今人表作狐爰注即狐咥也

墨者有鉅子腹䟽居秦其子殺人秦惠王曰先生之年長矣非有他子也寡人已令吏弗誅矣先生之以此聽寡人也腹䟽對曰墨者之法曰殺人者死傷人者刑此所以禁殺傷人也天下之大義也王雖為之賜弗誅腹䟽不可以不行墨者之法遂殺之

呂氏春秋

周之季世巴國有亂將軍蔓子將師於楚許以三城楚王救巴巴國既寧楚使請城蔓子曰藉楚之靈克攝禍難誠許楚王城將吾頭往謝之城不可得也乃自刎以

頭授使王歎曰使吾得臣若巴蔓子用城何為乃以上

卿禮葬其頭

華陽國志

祁射子見秦惠王惠王說之於是唐姑讒之復見惠王懷怒以待之非其說異也所聽者易也故以徵為羽非絃之罪也以甘為苦非味之過也

說苑

衛嗣君之時有胥靡逃之魏因為襄王之后治病衛嗣君聞之使人請以五十金買之五次而魏王不予乃以

左氏易之

韓子

申子請仕其從兄官昭侯曰非所望於子也聽子之論
敗子之道申子避舍請罪上

柱厲叔事莒敖公自以為不知而去居於海上夏日則
食菱芡冬日則食橡栗莒敖公有難柱厲叔辭其友而
往死之其友曰子自以為不知故去今又往死之是知
與不知無異別也柱厲叔曰不然自以為不知故去今
死而弗往死是果知我也吾將死之以醜後世人主之
不知其臣者也

呂氏春秋

齊有事人者所事有難而弗死也遇故人於塗故人曰
固不死乎對曰然凡事人以為利也死不利故不死故
人曰子尚可以見人乎對曰子以死為顧可以見人乎

上以
下孝子

伯竒既沉於江衣苔帶藻忽夢見水仙賜其美藥揚聲
悲歌船人聞而學之吉甫聞其聲以為子也乃援琴作
子安之操或云期門離須兄弟三人兄從軍二年不歸
離須當往輸屬其弟於所知弟欲同往離須固止之去

數日弟夜亡莫知其處離須歸分布求之卒不可得故

其操曰子安之

琴操

孔子行遊中路聞哭者聲其音甚悲孔子曰驅之驅之前有異人音少進見之丘吾子也擁鑣帶索而哭孔子辟車而下問曰夫子非有喪也何哭之甚也丘吾子對曰吾有三失孔子曰願聞三失丘吾子曰吾少好學問周遍天下還後吾親亡一失也事君奢驕不遂是二失也厚交友而後絕三失也樹欲靜乎風不定子欲養乎

親不待往而不來者年也不可得再見者親也請從此
辭則自刎而死孔子曰弟子記之此足以為戒也於是
弟子歸養親者十三人

說苑

孝已一夕三起視衣之厚薄枕之高卑愛其親也

子尸

崔子渡河操閔子騫所作也崔子蚤失母後母常以其
死母名呼之不應輒笞之崔子乃以渡河為辭繫石於

腰自沉而死

琴操

鄭子產善事母奉命聘晉道中心痛遣人還家起居問

母母曰吾忽身體不調憶想汝耳更無他也

俗說

曾參出薪於野有客至其家欲去其母曰願留參方到即以左手搯右臂臂痛參即馳至問母曰臂何故痛母

曰今者客至搯吾臂呼汝耳

論衡

曾子見益母而感

本草

曾參行孝枯井湧泉

淮南子

公西華之養親也若與朋友處曾參之事親也若事嚴

主烈君

淮南子

樂正子春之視疾也復加一飯則脫然愈復損一飯則

脫然愈復加一衣則脫然愈復損一衣則脫然愈

公羊傳

演門有親死者以善毀爵為官師其黨人毀而死者半

莊子

陳玄字子元陳侯太子七歲喪母父更娶周氏有子曰
昭周氏說陳侯將殺玄昭欲先死玄不聽引白羊誓曰
孝者羊血逆上一丈三尺一如誓言周后又說之侯怒
令玄自殺玄投遼水有大魚負之玄曰我罪人也魚乃去

昭從後來以問漁者云投水死矣昭氣絕良久曰吾兄

也又投水而死

蕭廣濟
孝子傳

張掖鄧奇字君珍居喪盡禮所居去墓百里每夜行常有飛鳥銜火夾之登山濟水號泣不息以淚灑石則成痕着朽木枯草必皆重茂以淚浸地即鹹俗謂之鹹鄉

拾遺

記

程曾年七歲喪母哀號哭泣不異成人祖母憐之嚼肉

食之覺有味便吐出

師覺授
孝子傳

竺彌字道綸父生時畏雷每至天陰輒至墓伏墳悲哭

有白兔在其左右

王歆孝子傳

孫期字仲或少為諸生習京氏易古文尚書家貧事母

至孝牧豕於大澤中以奉養焉

後漢書

吳郡馬皓父為南郡太守坐事繫獄皓懷小石至公卿門輒出石叩頭流血覆面父遂得免

馮衍子豹年十二後母惡之因夜行毒而豹敬事逾謹汝郁年五歲母患病不能飲食郁常抱持啼哭亦不肯

飲食母憐之強為餐飯郁察母顏色不平輒復不食宗親共異之因字曰叔異

蔡順少孤養母嘗出求薪有客卒至母望順不還乃噬其指順即心動棄薪馳歸跪問其故母曰有急客來吾噬指以悟汝耳

上搜神記周暢事
與此大同不重錄

孫禮字德達後漢獻帝時初喪亂禮與母相失同郡馬台求得禮母禮推家財盡以與台台後坐法當死禮私導令踰獄自首既而曰臣無逃亡之義徑詣刺奸主簿

溫恢恢嘉之具白曹操各減死一等

漢古初遭父喪未葬隣人失火初匍匐上以身扞火
火為之滅

董黯盡心色養喪致其哀單身林野鳥獸歸懷怨親之
辱白日報讐海內聞名昭然光著

漢蕭固字秀異少有孝行遭父母喪六年雉鵲遊狎其
居麋鹿入其門墻徵聘不就固生子芝字英髦亦孝心
醇至後官至尚書郎有雉數十餘宿其廬上嘗上直送

至路雉飛鳴車側人以為孝感所致

陳元方有至德絕俗烝烝色養不離左右豫州刺史嘉

其至行表上尚書畫像百城以勵風俗焉

海內先賢傳

支漸蜀之資陽人年七十持母喪廬於墓白蛇素狸擾

其傍皓鳥鵲雀集於隴

華陽國志

吳王盧之廬陵人年十三喪母三十三喪父二十五季

鹽醋不入口疾病著牀忽有一人來問疾謂之曰君病

尋瘥俄而不見病果愈庭中楊梅樹隆冬三實又每夜

所居有光如燭墓口橘樹一冬再實

樂恢年十一父為縣吏得罪將殺恢伏市中晝夜號哭

令哀之而赦其父

孝子傳

晉孫畧有孝行卒時大殮日有一老父緼袍草履不通
姓字徑入撫柩而哭哀聲慷慨感動左右哭止便出容
貌甚清眼瞳又方門者告喪主怪而追焉直去不顧時
人以為孝行感通故神仙來弔之

昔有人姓蘭名期者稱之曰蘭公初居于曲阜縣高平

鄉其家百餘口精修孝行致斗中真人下降其家自稱
孝悌王諱弘康字伯中語蘭公曰始炁為大道於日中
為孝道仙王元炁為至道於月中為孝道仙王玄炁為
孝道於斗中為孝悌王夫孝至于天日月為之明孝至
於地萬物為之生孝至於民王道為之成後晉代當有
真仙許遜傳吾孝道之宗是為衆仙之長因付蘭公秘
旨及金丹寶經銅符鐵券令傳授丹陽黃堂靖女真諶
母且戒之曰將來有學仙者許遜汝當以此授之孝悌

王遂將蘭公遊於郊野道傍忽見有三古塚指以示蘭公曰此是汝三生解化之迹其第一塚乃昔尸解所遺仙衣而已第二塚乃太陰煉形形體已就今當起矣第三塚藏蛻骨耳宜移塚傍之路勿令人踐履也孝悌王言訖昇天蘭公乃榜示行人斷其舊路人謂其妖妄擅移路逕執以詣官官吏拘公而詰其驗公具以前事對官吏曰必若妄言將加誅公曰吾言得之孝悌王安得妄官吏遂引蘭公與地分對開其塚其第一塚果有仙

衣一領其第二塚見一人童顏弱質如睡初覺之狀第三塚見連環骨一具衆咸驚嘆吏乃持仙衣還獻府君府君着衣不能勝還與蘭公公服之即同塚中仙人合為一體竦身輕舉官吏悔謝虔懇拜問何時再降人間蘭公俯語之曰我自此或十日或百日一降施行孝道以濟迷塗其後吳都有十五歲童丹陽三歲靈童並是真仙之化身也將弘孝道之教以接合仙之士焉

劉殷母王氏盛冬思董而不言殷怪而問之母言其故殷

時年九歲乃於澤中慟哭聲不絕者半月于是忽然有
人云止聲殷收淚視地便有莖生焉因得斛餘而歸

十六

國春秋

晉末黃祖至孝母病篤庭中稽顙俄頃天漢開明有一
老翁以兩丸藥賜母服之衆患頓消翁曰汝入三月可
汎河而來依期行見門題曰善福門內有水曰湏源池

有芙蕖如車輪

幽明錄

楚僚早失母事後母至孝母患癰腫形容日悴僚自徐

徐吮之血出迨夜即得安寢乃夢一小兒語母曰若得
鯉魚食之其病即差可以延壽不然不久死矣母覺而
告僚時十二月冰凍僚仰天歎泣脫衣上冰臥之有一童
子決僚臥處冰忽自開一雙鯉魚躍出僚將歸奉其母病
即愈壽至一百三十三歲益至孝感天神昭應如此

記

搜神

羅威事母至孝及天寒常以身自溫席

上

郭世道孝行淳備仁厚之風行於鄉黨隣村小大莫有

呼其名者元嘉四年散騎常侍袁愉表其淳行太祖嘉之敕郡勝表閭門蠲其稅調改所居獨楓里為孝行焉

宋書

又晉張敷以毀死孝武改所居為孝張里附記于此

宋王朋喪父母家貧無以營葬兄弟二人晝則傭力夜則號哭感鄉里並哀之乃各出夫力助作磚磚須水而天旱穿井數十丈泉不出墓處去淮五里荷擔遠汲困而不周朋號天自訴如此積日一旦天霧磚竈前忽生泉水葬竟水復自竭元嘉九年太守劉伯龍依事表言

金史卷一百一十八
卷十八
改其里為通靈里

宋辛繕字幼文母喪倚廬旁有大鳥頭高五尺鷄首燕
頷魚尾蛇頸備五色而青棲于門樹

庾道愍潁川鄆陵人晉司空冰之玄孫也有孝行少出
孤悻時人莫知其所生母流漂交州道愍尚在襁褓及
長知之求為廣州綏寧府佐至南而去交州尚遠乃自
負擔僅得自達及至交州尋求母日夜悲泣嘗入林中
暮雨驟至乃寄止一家且有一姬負薪外還而道愍心

動因訪之乃其母也於是行伏號泣遠近赴之莫不揮淚

庾杲之幼有孝行宋司空劉劭見而奇之謂曰見卿足使江漢崇望杞梓發聲

並上

齊雁門解叔謙徵為朝請不赴母疾叔謙夜於庭中稽顙祈福聞空中云得丁公藤為酒便差訪醫及本草無識者乃崎嶇求訪至宜都境遙見山中老翁伐木問其所用答曰此丁公藤治風尤驗叔謙再拜流涕具欵行

求之意此翁愴然以藤與之并示其漬酒之法叔謙受
領此人不復知處依法為酒母疾便愈

齊春秋

齊松滋令蘭陵蕭叡明母患積年叡明晝夜祈禱時寒
凍叡明下淚凝結如筋額上扣血成冰不溜忽有一人
以石函授之曰此能治太夫人病叡明跪而受之忽然
不見以函奉母中惟三寸絹丹書為日月字母病即愈
齊南陽宗元卿有至行早孤為母所養母病元卿在遠
輒心痛大病則大痛小病則小痛以此為常則鄉里宗

敬率號宗曾子

齊廬陵匡昕奔還華山服食不與俗人交母亡已經數日昕奔還號叫母便蘇

張敷生母亡至十歲餘求母遺物而散施已盡惟得一畫扇乃緘錄之每至感思輒開筭流涕

齊晉安王蕭子懋字雲昌武帝之子也始年七歲阮淑媛嘗病危篤請僧行道有獻蓮花供佛者衆僧以銅罌盛水浸之如此三日而花不萎子懋流涕禮佛誓曰若

使阿姨因此勝緣遂獲冥祐願花竟齋如故七日齋畢色更鮮紅看視罍中稍有根鬚淑媛尋差

並上

劉璠母在建康遘疾璠弗之知嘗忽一日舉身皆痛尋而家信至云其母病璠即號泣戒道絕而又蘇當身痛之辰即母死之日

南史

梁彥先七歲父篤疾求紫石瑛不得彥先憂悴忽園中見

一物持歸乃紫石瑛

北史

齊素昂字千里明帝時為豫章內史丁所生母憂去職

以喪還江路風潮暴駭昂乃縛首着柩誓同沉溺及風止餘舟皆沒唯昂船獲全

齊江綰字含潔幼有孝性年十三父蒨患眼綰侍疾衣不解帶夜夢一僧云患眼者飲慧眼水必差及覺說之莫能解者綰第三叔祿與草堂智者法師善往訪之智者曰無量壽經云慧泉見真能度彼岸蒨乃因智者啟捨同夏縣界牛屯里舍為寺乞賜嘉名齊武帝勅荅曰純誠孝子往往感應晉時顏含遂見冥中送藥又近見

智者以卿子夢云飲慧眼水則目差蓋慧眼則五眼之一號可以慧眼為名及就創造因濬故井井水清冽異於恒泉依夢取水洗眼及煮藥稍覺有瘳因此遂差庾黔婁至孝父病危每夜稽顙北辰求以身代聞空中曰徵君壽盡命不可延汝誠禱既至政得至月末耳師覺授南陽涅陽人也與外兄宗少文並有素業以琴書自娛於路忽見一人持書一函題曰至孝師君苦前俄而不見捨車奔歸聞家哭聲一叫而絕良久乃蘇後

撰孝子傳八卷

並上

王文殊吳興故鄣人也父沒虜文殊思慕泣血蔬食山谷三十餘年太守謝綸拔為功曹不就永明十一年太守孔琇之表曰文殊性挺五常心符三教以父沒獯庭抱終身之痛專席恒居銜罔極之卹服紵縞以經年餌蔬菽以俟命婚義滅于天情官序空於素抱儻降甄異之典榜其閭里鬱林詔榜門改所居為孝行里

南齊書

朱文濟字敬達吳興人自賣以葬母

南史

袁孝叔者陳郡人也少孤事母以孝聞母嘗得疾恍惚踰日不痊孝叔忽夢一老父謂曰子母疾可治明旦迎吾于石壇之上當有藥授子所居十里外有廢觀古石壇往而見老父在焉拜迎至家即于囊中取九靈丹一丸以新汲水服之即日而瘳

庾域母好鶴唳域孜孜營求一日雙鶴來下

庾沙彌晉司空永六世孫母死所坐薦淚霑為之爛墓忽生松柏數株有異常松

梁庾子興字孝卿武帝時為尚書郎父域出守巴西子
興以蜀路險峻艱難啟求侍從以奉養獲許父遷寧蜀
子興亦相隨父於路感心疾及父卒奉喪還鄉秋水猶
壯巴東有灩澦石高出二十許丈次有瞿塘大灘行旅
忌之子興撫心長叫其夜五更水退減安流南下及渡
水復舊初發蜀有雙鳩巢舟中及至又栖廬側每聞哭
泣之聲必飛翔簷宇悲鳴激切服闋手足枯皸待人而

起並
上

甄恬字彥約數歲喪父哀感有若成人家人矜其小以肉汁和飯飼之恬不肖食年八歲嘗問其母恨生不識父遂悲泣累日忽若有見言形貌則其父也家貧養母常得珍羞及居喪廬墓側恒有烏玄黃雜色集於廬樹恬哭則鳴哭止則止又有白鳩白雀栖宿其廬梁始興

王愔表其行武帝旌其門賜爵

南史

韓懷明客居荊州十歲母患尸疰懷明於星下稽顙祈禱忽聞香氣空中有人曰童子母須臾疾差無勞自苦

未晚而母平復

柳遐字子昇有孝行其父卒于揚州遐自襄陽奉喪西歸中流風起舟中人相顧失色遐抱棺號慟天求哀俄頃風止浪息其母嘗乳間發疽醫云此疾無可救之理唯得人吮膿可愈遐應聲即吮旬日遂瘳

蕭放字希逸隨父祗至鄴祗卒放居喪以孝聞其所居室前有二慈烏來集各據一樹為巢自午以前馴庭飲啄午後更不下樹每臨時舒翅悲鳴全似哀泣

劉霽字士湮母明氏寢疾霽誦觀世音經數萬遍夜中
夢見一僧謂曰夫人算盡以君精誠篤至當相為申延
後果以壽終霽廬於墓哀慟過禮常有雙白鶴循翔廬
側

褚翔字世舉少有孝行為侍中時母病篤請沙門祈福
中夜忽見戶外有異光又聞空中彈指及旦疾遂愈

梁阮孝緒母疾合藥須得人參考緒隨一鹿至一所遂

滅就視果得參

南史

胡叟曰我此生少孤每言及父母則淚下若孺子之號
春秋當祭之前則先求旨酒美膳將其所知携榼執壺
至郊外空靜處設坐奠拜盡孝思之敬時燉煌汜潛家
善釀酒每節送一壺於叟或謂潛曰再三之惠以為過
厚子惠於叟何其恒也潛曰我給恒祭者以其恒於孝
思也論者以潛為君子矣

魏書

張元字孝始年十六其祖喪明三年元恒憂泣晝夜讀
佛經禮拜以祈福祐後讀藥師經見盲者得視之言遂

請七僧然七燈七日七夜轉藥師經行道每言元為孫
不孝使祖喪明今以燈光普施法界願祖目見明元求
代闇如此經七日其夜夢見一老翁以金銳療其祖目
於夢中喜躍遂即驚覺乃徧告家人三日祖目果明

北史

崔子約喪母哀瘠骨立人云崔九作孝風吹即倒

隋華秋幼喪父事母以孝聞家貧傭賃為養其母偶患
病秋容貌毀悴髮鬢盡改母終遂絕櫛沐髮盡禿落廬
於墓側負土成墳有人欲助輒拜而止之獵者嘗逐一

兔奔入秋廬中匿秋膝下獵人至廬所異而免之自爾
此兔嘗宿廬中馴其左右郡縣嘉其孝感具以狀聞降
使勞問表其門閭後羣盜起常往來廬之左右咸相誠
曰勿犯孝子鄉賴秋全者甚衆

隋陸政性至孝其母吳人好食魚北土魚少政求之常
苦難得後宅側泉出忽湧而有魚遂得以供母膳時人
以為孝感所致因謂其泉為孝魚泉焉

梁何珣字重寶為北征諮議事親恭謹母病求醫不棄

車馬忽感聖僧體質殊異手執香爐來求齋食而至無
早晚故疑其非常如此十餘日母病有瘳僧便辭去留
素書般若經一卷因執香曰貧道是二十七聖賢不退
相人感檀越至心故來看病今病者已差貧道宜還言
訖前行忽不見爐煙香氣一旬方歇

以下
賢子

後漢李元禮祖父修安帝時生子亮叔訓秀號四龍皆
為牧守

荀淑有子八人儉緄靖肅汪爽肅專時人謂八龍初荀氏

舊里名西豪令苑康以為昔高陽氏有才子八人今荀

氏亦有八子故改其里曰高陽里

後漢書

魏張魯有十子時人語曰張氏十龍儒雅溫恭

語林

陳紀父實實子羣魏使持節給事中文帝曰卿何如祖

父羣曰臣父有言而治臣有言而不治

梁湘東王
繹孝子傳

弭生字仲叔其父賤故張伯英與李幼才書曰弭仲叔

高德美名命世之才也非弭氏小族所當有新豐瘠土所

當出也

三輔
決錄

公沙穆五子並有令名號公沙五龍

後漢書

公廣文伯河東蒲坂人也其生亦以夜半時適生有人從門呼其父名父出應之不見人有一木杖植其門側好善異於衆其父持杖入門以示人人占曰吉文伯長大學宦位至廣漢太守文伯當富貴故父得賜杖其占者若曰當杖子力矣

論衡

李宓字令伯六子皆英挺逸秀號曰六龍

華陽國志

杜軫字超宗二子長子毗字長基少子秀彥頴珪璋琬

琰世號二鳳上

戴碩子延壽善書延興好學山陰有陳載者家富有錢

三千萬鄉人云戴碩兒敵陳載三千萬錢

宋書

王僧虔年數歲與子戲僧達下地戲作虎僧虔獨正坐

採蠟為鳳曇首曰此子終為長者

南史

王僧孺幼聰慧年五歲便機警人有餽其父冬李先以一與之僧孺不受曰大人未見不容先嘗家貧常傭書以養母寫畢諷誦亦了

褚彥回謂任遙曰聞卿有令子相為喜之所謂百不為多一不為少由是昉名聲藉甚

並上

辛攀字懷遠隴西人父璵尚書郎兄覽曠弟寶迅皆以才識知名秦雍為之語曰五龍一門金友玉昆

十六國春秋

沈約指其子謂陸喬曰此吾愛子也少聰慧好讀書因以青箱名之

王忻字元景生九子並風流蘊藉世號九龍

齊書

張充少好逸遊父緒嘗告歸至吳逢充正獵右臂鷹左

牽狗遇緒舟至便放紕脫韉拜於水次緒曰一身兩役
母乃勞乎充跪曰充聞三十而立今二十九矣請至來
歲緒曰過而能改顏子有焉明歲翻然易操尋師就學
鬱為名士^上

孝文臨軒令諸州中正各舉所知陽尼與房千秋各舉
其子帝曰昔有一祁名垂往史今有二奚當聞來牒^後
書^魏

傳豎眼有三子靈慶靈根靈越並有才名融以自負謂

足為一時之雄嘗謂人曰吾昨夜夢有一駿馬無堪乘者人曰何由得此人乘有一人曰唯傅靈慶堪乘此馬又有弓一張亦無人堪引人曰唯有傅靈根可彎此弓又有數紙文書人皆讀不能解人曰唯有傅靈越能解此文融謂其三子文武才幹以駕馭當世常從容謂鄉人曰汝聞之不鬲虫之子有三靈此圖識文也

上以
下識子

范文子莫退於朝武子曰何莫也對曰有秦客廋辭於朝大夫莫之能對也吾知三焉武子怒曰大夫非不能

也讓父兄也爾童子何知而三掩人於朝吾不在晉國
亡無日矣擊之以杖折委筭

國語

趙之相者曰林氏有九子皆賢國人美而稱之號曰九
德之父十德之門趙王疾之王乃使擇其果之繁者伐
之其父曰果之茂者猶伐之況其人乎吾將以爾為累矣
去之則免乃携老持子逃於白雲之巖終身不返趙人

思之

符子

後漢司馬徽誠子書曰聞汝充役室如懸磬何以自辦

論德則吾薄設居則吾貧勿以薄而志不壯貧而行不高也

晉羊祜誡子書曰吾少受先君之教能言之年便詔以典文年九歲便誨以詩書然尚猶無鄉人之稱無清異之名今之職位謬恩之加耳非吾力所能致也吾不如先君遠矣汝等復不如吾諮度弘偉恐汝兄弟未之能也奇異獨達察汝等將無分也恭為德首慎為行基願汝等言則忠信行則篤敬無口許人以財無傳不經之

語無聽毀譽之語聞人之過耳可得受口不得宣思而後動若言行無信身受大謗自入刑論豈復惜汝耻及祖考思乃父言纂乃父教各諷誦之

王僧虔宋世嘗有書誡子曰知汝恨吾不許學欲自悔厲或以闔棺自期或更擇美業且得有慨亦慰窮生但亟聞斯唱未覩其實請從先師聽言觀行冀此不復虛耳吾未信汝非徒然也往年有意於史取三國志聚置牀頭百日許復從業就玄自當小差於史猶未近彷彿

曼倩有云談何容易見諸玄志為之逸腸為之抽專一
轉誦數十家注自少至老手不釋卷尚未敢輕言汝開
老子卷頭五尺許未知輔嗣何所道平叔何所說馬鄭
何所異指例何所明而便盛於麈尾自呼談士此最險
事設令袁令命汝言易謝中書挑汝言莊張吳興叩汝
老聃可復言未嘗看耶談故如射前人得破後人應解
不解即輸賭矣且論注百氏荊州八袞又才性四本聲
無哀樂皆言家口實如客至之有設也汝皆未經拂耳

瞥目豈有庖厨不修而欲延大賓者哉就如張衡思倖造化郭象言類懸河不自勞苦何由至此汝曾未窺其題目未辯其指歸六十四卦未知何名莊子衆篇何者內外八表所載凡有幾家四本之稱以何為長而終日欺人人亦不受汝欺也由吾不學無以為訓然重華無嚴父放勳無令子亦各由已耳汝輩竊議亦當云阿越不學在天地間可嬉戲何忽自課誦幸及盛時逐歲暮何必有所減汝見其一耳不全爾也設令吾學如馬鄭

亦必甚勝復倍不如今亦必大減致之有由從身上來也今壯年自懃數倍許勝劣及吾耳世中比例舉眼是汝足知不復具言吾在世雖乏德素要復推人間數十許年故是一舊物人或以比數汝等耳即化之後若自無調度誰復知汝事者舍中亦有少負令譽弱冠越超清級者於時王家門中優者則龍鳳劣者猶虎豹失蔭之後豈龍虎之儀況我不能為汝蔭政應各自努力耳或有身經三公茂爾無聞布衣寒素卿相屈體或父子

貴賤殊兄弟聲名異何也體盡讀數百卷書耳吾今悔
無所及欲以前車誡爾乘也汝年入立境方應從官兼
有室累牽役情性何處復得下帷如王郎時邪為可作
世中學取過一生耳汝試三思勿諱吾言猶捶撻志輩
異脫萬一未死之間望有成就者不知當有益否各在
爾身已切身豈復闕吾邪鬼惟知愛深松茂栢寧復知
子弟毀譽事因汝有感故畧敘胸懷矣

南齊書

王敬弘未嘗教子孫學問各隨所欲人問之答曰丹朱

不應乏教甯越不聞被捶南史

魏收以子侄少年須誠厲遂著枕中篇以戒之

齊朝一士大夫嘗謂吾曰我有一兒年已十七頗曉書

疏教其鮮卑語及彈琵琶稍欲通解以此服事公卿無

不寵愛亦要事也吾時俛而不答異哉此人之教子也

若由此業自致卿相亦不願汝曹為之

顏氏家訓

廣博物志卷十八